

Iluarsiissutit**Akissuteqaat ulloq 01. juni 2026-imeersumut taarsiissut****(Naalakkersuisup akisussaasuusup taaguutaanik allannguinerit)**

Piniakkat angisuut, soorlu Qilalukkat qaqortat qernertallu pillugit ullumikkutut kisitsisarneq ingerlanneqartassanersoq imaluunniit atortorissaarutit pitsaanerusut atorlugit kisitsisoqartalissaneroq pillugu Apeqquteqaat aallaavigalugu oqallisissiatut siunnersuut.
(Inatsisartunut ilaasortaq Gerth Mikaelson, Naleraq)

Akissuteqaat

(Avatangisinit, Pinngortitamut, Nukissitunut, Ilisimatusarnermullu Naalakkersuisoq)

Siunnersuuteqartup sammisamik pingaarutilimmik oqallisigissallugulu naleqquttumik oqallisissanngortitsineranut qujanaq. Sammisaaq assiliissutitut atortorissaarutit pillugit § 37 naapertorlugu apeqquummi nr. 054-2023-mi aamma qaqinneqarnikuuvoq.

Umasunik piniakkatsinnik atuineq illersuinerlu pillugit aalajangiinerit paasissutissanik tunngaveqarluni aalajangerneqartarnissaat, Naalakkersuisut pingaartippaat. Tamanna ilaatigut inuit inoqqaavinit ilisimasat uumassusilerinikkullu siunnersuinerit atorlugit qulakkeerneqassaaq.

Pinngortitaleriffiup ukiuni arlalinni misissuinerneq assigiinngitsorpassuarni assiliisarneq atortarsimavaa. Assiliineq assersuutigalugu appanik taateraaniillu uumasooqatigiinnik kisitsinerneq, appaqarfinni taateraqaarfinnilu ullut qanoq ingerlasarnerannik aamma piaqqiornerup iluatsittassusaanik nakkutilliinerneq, kangerlunni sikusimassutsimik nunamilu apisimassutsimik nakkutilliinerneq kiisalu aarrit qassimaffiannik ataatsimik marlunnilluunniit nakkutilliinerneq atorveqartarpoq.

Tamatuma saniatigut Pinngortitaleriffik timmisartukkut kisitsinerneq atavillugu aamma qassimasarfimmi ataatsimi qasigissanik kisitsinerneq atavillugu assiliineq atorsimavaa. Pinngortitaleriffiup qassimaffinni qasigissanik kisitsinerneq, najukkami tutunik kisitsinerneq aamma Qimusseriarsuarni qilalugaqarneranik uppenarsaatitut atugassanik assiliineq periutsitut nalinginnaasutut atorniartarsimagaluarpaat.

Misiliinerilli kingulliit pingasut takutippaat atorneqarsinnaanngitsut. Assiliissutit aalajangerlugit ikkussat atorlugit uumasunik kisitsinerneq pitsaasumik inerneqarnissaanut pissutsit immikkuullarilluinnartariaqartuummata. Umasut, nunap immikkoortuanut annikitsuararsuarmut uteqqittartuusariaqarput, soorlu timmissat ivasartut qassimaffimmiluunniit aarrit.

Pinngortitaleriffiup ilisimatitsissutigaa, assiliissutissanik atortorissaarutit aalajangersimasumik inissisimasut atorlugit miluumasut imarmiut kisinnissaat ajornartorsiutaasoq. Naak qilalukkat qernertat najugaanni kangerlummi nunap nuuaniit assiliivik nunamut ikkussaq atorlugu kisitsineq iluatsikkaluarpat, nalunaarsuutitut tunngaviusunut killilerujussuarmik inerniliisarpoq. Kisitsisit taakkua kisitseriaatsimut

taamaattumut, sumiiffik annikitsuinnaq taamaallaat pisinnaavaa. Taamaammat, arferit kangerlummiittut qanoq amerlatiginersut oqaatigiuminaappoq

Paarlattuanik Pinngortitaleriffiup amerlanertigut immap iluani nipinik immiussissutit, najukkami arfernik nakkutilliinermut atortarpai, nipinik immiussissutit isorartunerujussuarmik immiussisinnaagamik sivilunerusumillu ataavarnerusumik paasissutissanik katersisinnaagamik. Nipinilli paasissutissat sumiiffitsigut aamma killeqarput taamaattumillu piniarnermut siunnersuineranut atatillugu nalinginnaasumik atornerqarneq ajorlutik.

Naalackersuisut Pinngortitaleriffiup ilisimatusarnermi periutsinik atortunillu toqqagaanut tunngatillugu akuliuttanngilaq. Naalackersuisut pingaartippaat ilisimatusartut, tassunga ilanngullugu Pinngortitaleriffik, pitsaanerpaamik angusaqarnissamut ilisimatusariaatsit sorliit atornerqassanersut pillugit naliliinissamut kiffaanngissuseqassasut.

Taamatut oqaaseqarlunga sammisaq pingaarutilik pillugu oqallittoqarluarnissaanut Naalackersuisut qilanaarput.